

سباعيات المصري

عمرو المصري

أشعار من الموال السُّباعي

صدرت الطبعة الأولى في نوفمبر 2018

بطاقة الكتاب

عنوان المؤلف : سباعيات
المؤلف : عمرو المصري
التصنيف : أشعار من الموالم السباعى
رقم الإيداع : 19185 - 2018
الترقيم الدولى : 978-977-6656-99-9
عدد الصفحات : 88 صفحة
رقم الإصدار الداخلى : 258
تاريخ الإصدار الداخلى : نوفمبر 2018 (طبعة أولى)

جميع حقوق الطبع والنشر محفوظة للشاعر، ولا يحق
لأى دار نشر طبع ونشر وتوزيع الكتاب الا بموافقة كتابية
وموثقة من الشاعر

دار النيل والفرات للنشر والتوزيع

ثورة مصرية تشرق إبداعاً على الوطن العربى

رئيس مجلس الإدارة

ناجى عبد المنعم



دار
النيل والفرات
للنشر والتوزيع

أسسها الشاعر ناجى عبد المنعم
عام 2011م

رخصة مزاولة مهنة: 58365 - سجل تجارى: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 020554372901 - 01011256943 - 01116202218 - 01202541192 تليفاكس:

[alnilwaalfourat.com](https://www.alnilwaalfourat.com) alnilwaalfourat@gmail.com

البريد الإلكتروني: م.م. محافظة الشرقية - العاشر من رمضان - مجاورة 13 - امام سنترال 13 - عقار 304

الإهداء

إليها ...

ولمّا لا ؟!

وهي الحياة كما تتبغي

ع. المصري

ففي حب الرسول

أبدأ ببسم الله وصلاه ع المصطفى طه
الأرض تعشق خطوته لو مرة خطاها
عليه أفضل صلاه وسلام لو قدمه وطاها (1)
الوحي أنزل له بآيات ما في غيره يحملها
ولا لات ولا غزى وكله ف نار وحملها
ف رساله من المولى وكان بإيمانه يحمى لها
يا ما نار وحملها (2) لكن رايته ما وطاها

(1) وطاها : الاصل وطأها وحذفت الهمزة للتخفيف : داسها

(2) كناية عن ابولهب ومرآته حمالة الحطب

قلبي اللي من عشقه ارتوى وعليه كمان أولاه
سألوني : حبك دا صحيح ما ترد أه أو لا ؟
قلت الحبيب المصطفى ولمين يكون إلاه ؟
هو اللي قلبه بيتفتح للنور ، زي اللي ليه مققول؟!
والحب لو جالك صحيح يفتحها ياما قفول(1)
وانا حبي زي النجم لاح ولا عمره كان ف افول
خليها بالمعقول و مين غيره يكون اولى

(1) قفول : مفرد قفل

سبحانه مَنْ أسرى به من مسجده لمسجد
جبريل أتى له بالبراق حيّاه وقال اصعد
دي الرحلة عند المنتهى قلبك بها أسعد
وتفتحت سموات لهم مع رحلة الاملاك (1)
حضرت جميع الانبياء وهو كلهم قاموا لك
في السدرة قال جبريل هنا قابل بقى مولاك
بالنور اهو اتولاك وقلبك عنده راح يسعد ؟

(1) الاملاك : الملائكة

تمشي على درب الحبيب راح ينصلح حالك
النور في قلبك يترمي لو كان ظلام حالك
صلي على سيدنا النبي تتغير احوالك
بالسنه وكتاب ربنا اوصانا سكتهم
أبواب كثير متفتحة وماتكنش سكتهم (1)
والدنيا وشيطانها أكيد بالذكر سكتهم
ابعد لمسكتهم هتبقى تخوض في أحوالك

(1) سكتهم : من الغلق

شديت رحالي للنبي مع زفة المَحْمَل
مشتاق لنورك يا نبي ولشوقي انا ما احمل
والله جوارك مطلبي اقعد حداك ما حا امل (1)
ما ح امل من دا النور إذا من روضتك جاني
أزرع صلاتي ع النبي تطرح وانا الجاني
عشقي لحبيبي المصطفى من همي نجاني
وان كنت يوم جاني ، شفاعته تقل ما أحمل

(1) ما حا امل : من الملل

هاجر نابينا المصطفى برسالة التقويم (1)
ويا بخت من صلى عليه راحة لكل سقيم
لمدينة كانت هجرته فرحة لكل مقيم
أبو بكر ومعاه الدليل كمل ثلاثتهم
ومليكة الرحمن كمان قايسة بحراستم
الضي نور دربهم ويا ما احلى لاثتهم (2)
وصلوا بسلامتهم وجانا بعدها التقويم (3)

(1) التقويم : الطريق الصحيح في الحياة

(2) لاثتهم : اللاتة هي غطاء من القماش المزين أو الابيض توضع

على الرأس والكتف (2) التقويم : التاريخ الهجري

أبوبكر صدق دعوته وما أجمله تصديق
وف ليلة الهجرة النبي بلغ بها الصديق
صاحب نابينا في هجرته ف الشدة اوفى صديق
أبوبكر في الغار ارتجف والقلب منه انشق
والحيلة قاصدة للنبي وبايده سد الشق
جاية تشاهدك يا نبي والناب في إيده رشق
والحق أنزل كلمته كرم بها الصديق

طالع أبو سفيان يقول منكم أنا طالب
على إن أيام الحصار في شعب أبو طالب
وصحيفة قال اتعلقت على عهد ومطالب
بيقولوا حيلة مسلمين ولكنهم بل هم
بيطالبوا تيجي معجزة وما كان على بالهم
القرضا (1) تاكلها ومفيش غير باسمك اللهم
دي رسالة جات عبرة لهم للحق بتطالب

(1) القرضا : حشرة صغير جدا

عاد النبي م الغار وجسمه بيرتعش بردان
يسأل خديجة ع الغطا ، ارمي عليّ بردان (1)
من حمل ما أنزل عليه فسطكت الاسنان
تسأل خديجة ، تصدقه ، وتطمئه بالقول
أبشر فأنت المصطفى للأمه هادي رسول
بيك الرسالة هتبتدي ويبقى الهدى موصول
ولكل حاجة أصول عشنان تتحملة أبدان

(1) بردان : المقصود بردة النبي (ص)

شميت روايح المسك من عند النبي فاحت
دا الجرح طاب واندمل بعد ما كان فاحت
والضي يطرح في القلوب والعنمة انزاحت
دا الارض فرحت بالنبي وفرشتله ساجدها
ويايده علّى فى البنا لأول مساجدها
ويا بخت من كان النبي قدامه ساجدها
الفرحة سياجدها(1) وتلقى النفس ارتاحت

(1) سياجدها : يجدها

انهي بصلاتي ع الحبيب كما صلى خلاقه
المولى أبدع فيه يا ناس كملها بأخلاقه
هو النبي ولا كذب فين زيه هتلاقه
المولى أنزل كلمته ، اقرأ باسم الله
شاييل رسالته في رحلته والامر من مولاه
علشان يبلغ للأمم ، لا إله إلا الله
سبحانه من سواه نبي فين زيه هتلاقه

النقل

الندل من طبعه يروح لـ اللي انت جايها (1)
ويقول وبيزيد في الكلام غرضه يميلها
واخدنا سلّوة كمان بعقولنا كان يلهى (2)
فكرته صاحب بالأمان والصدق غذاني
أتاريه بيغرف من معيني وفضى خزاني
هو ضروري الذنب يبقى بس من زاني
دا الكلمة غزاني مادام في الضهر قايها (3)

(1) جايها : جاء لها ، جاي لها (2) يلهى : يلعب

(2) قايها : قالها وتنطق القاف جيم للّهجة

وانا كُنّي (1) واقف عود درة في الأرض فرّادي
والهم زي الريح يزح بعتر لي أفراد
عمّال يكسرف العيدان ماتقولش فرّة دي !! (2)
حتى الكيزان لما استوت ؛ ماتت على عودي
والضحكة غايبة من زمان بنده لها ؛ عودي
ولا عمري كنت ف يوم جبان وماخليتش بو عودي
وحفظت لعهودي في وقت الغير طلع رادي (3)

(1) كُنّي : كَأني (2) فرّة دي : وباء أو مرض

(3) رادي : سيئ

قلبي اللي كان يشغي (1) بونس بوشوش محبينه
اليوم كما النخل العجوز ؛ طالعيه ما حبينه
وأتاري حتى العشق سابه ، وراح مَحَى بينه
واهو بينه ياما عهد و كان نفسه يكملها
والدنيا حتى الدنيا قلابه وياك (2) ملها ؟
تقلب وتعدل وشها ماتقولش نور ملهى !!
ندهت له عمالها على الأوجاع وسحبينه

(1) يشغي : مليئ

(2) ياك : كلمة تنطق تعني التسأل

صاحبي على عيبه ، لكنه ندل بزيادة
بالكلمة يحفرلي الطريق وما حد زي ده
مع اني فكرته في طريقي الزاد وزواده
فكرته هيخف التعب وانا ليه أفر ؛ آوي (1)
في الوش يضحك لي واتاري الضحكة صفراوي
الحلق نشفان م الهموم وماكان في يوم راوي
تلعبش دور راوي ومنها القصة بزيادة

(1) أفر آوي : اسرع اليه وأوي اليه من مصائب الدنيا

الندل لو يوم يعزمك ، أحذر من افعاله
يخفيك الشر وأكيد القاعدة نافعة له
وانت اللي بتعامله بضمير والخير بتفعل له
الغدر من شيمته واتاري الخسة دي عادة
اللعبة بيعيدها وتشوف اللعبة بإعادة
ويجور على حقك ، وابقى قابلي لو عادته (1)
وتشوفه في عبادة وسوء الكلمة أفعى له

(1) عادته : أعاد له حقه

الناس معادن والصحاب تختار معادنها
فيه ناس قلوبها كالحليب برضه مع دينها
وعشان بتدي الخير تلاقي كتير معادينا
بتزين القعدة تقولش فيه قمر وناس !!
كل الأماكن تشتهي زي الشجر والناس
القلب مزروع بالخضار مليان دفى واحساس
من وسط كل الناس أكيد على إيدنا عدينا(1)

(1) عدينا :من العدد

في بيض بيفقش (1) في الألوان وف غيره يبقى روش (2)
وف ناس قلوبها كالحليب على الصدر تبقى بروش (3)
ودي ناس قلوبها كالحجر منحوته جوه ورش
بالمال بتتباع النفوس يحميك كـ تكعيبه
وتعيش في عزّ ونغمة حتى ان جاتك عيبة
والطيبة محسوبة مرض ويقولوا دا عيي به (4)
ياما ناس ولعيبة لكن بالدم قاعدة ترش

(1) بيفقش : من الفقص (2) بروش : فاسد

(3) بروش : شئ يوضع على الكتف للزينة من الذهب

(4) عيي به : من العياء

سيبك من اللي ف يوم يخون ملحك مع عيشك
ومادام ما بيهموش كمان تعبك و معيشك (1)
الخطوة بالخطوة معاك ماتقولش جبس وشك
وانت اللي تدي له الأمان واتاريها منفعة له
يحفر لك البير دا ويسأل قول لي من فعله
الحقد قلبه بيضمرة ومادام بينفع له
وعرفته من فعله الردي وانا كان معاي شك

(1) معيشك : معايش الحياة

لاتصاحب النذل الخسيس ولا تاخذه دا خلّك (1)
الغدر ريحته في كلمته باين كما خلّك (2)
وتشوفه عمال ينصحك وكأنه ده خال لك
عينه على بيتك وإيه تاني ملّى عينه
جاي لك وعمال يستعين جايب ملاعينه
آه يا ماعون المش يا ناضح بمعينه
يا رب لا تعينه ما دام بالغدر داخلّك

(1) دا خلّك : الخل الوفي او صديق

(2) خلّك : الخل الذي يستخدم في الطعام وهو من الروائح المميزة

صاحبك ومن بختك وورثك هو ومنابك
بيدوس على الصعب بإيديه يكسرش يوم نابك
يفرح في ساعة الخير مادام حظك آتى ونابك
ويشيل معاك الدنيا لو مالت بأحمالها
ولو مالت عليك اكثر بيبقى هو حمالها
مش زي فعل خسيس يزيد في النار وأحمى لها (1)
يضحك يقول مالها وهمه الضرب في جنابك

(1) أحمى لها : يزيد الوقود

حرّص ولا تخوّن ما دام النفس أمّارة
واوعى المظاهر تخذعك من دنيا أو مارة (1)
أصل الرجولة تاج ملك وكأنها إمارة
صعبة على أصناف رجال طلّعوا بلا إباتهم (2)
وف عز قيالة الضحى مطفية لمباتهم
دايرين ورا النسوان وفرحانين بلابتهم (3)
العلة في بيتهم وع البوابة في أمارة

(1) مارة : امرأة (2) إباتهم : أبائهم

(3) بلابتهم : مفرد لاب توب

احذر من النذل تلقيه يظهر كألعبان
مشدود على وشه قناع ولكنه قلعه بان (1)
ويشاوروا من تاني عليه ويقولوا أهو العو بان
واهو جه يحلها عماها بمونة ومحارة (2)
من فعله يدارى في زحمة وزنقة أو حارة
هى الروبابكية هتلقى في وسطها محارة ؟!
أوعاك لتختارة صديق ، في الشر قلعه بان

(1) قلعه بان : أظهر وجه

(2) مونة ومحارة : اغلقها بالاسمنت

خبط على باب صفحتي أنا قولت مرحب به
أهلاً وسهلاً باشتياق وكأني في رحابه
أتاريه بيسرق كلمتي و ينقلها لأحبابه
جنس السباعي يا محترم أنا شغلى فيه عصري
وان كنت عايز سكته ، أولها فيه قصري
وان كنت ناوي ع العلام اسألني أنا المصري
تتعلمه حصري و رد الفضل لأصحابه

قالوا الاسد لو غاب يا ناس ، تعالى الكلاب وتسود
تمشي تهزف ودينها قال يعني شايقة حاسود
وان كنت ناوي تكون كبير ، اكبر في وسط اسود
عجبي على اصناف رجال في الفارغة تتصدر
دا العقل زينة ف الرجال والاصل م المصدر
كل اللي بس يهمهم الكادر والمنظر
عمر الكلاب ما تكون مادام الساحة فيها أسود

حال الدنيا

الدنيا سايقة الناس ومين فينا بيتحمل
احذر من الأفراح ولو جات لك في يوم حمل
وان مرة حطت يوم عليك ،، أهو ميل معاها مل
ماهى دنيا ماشية مشقلبة وطاحونة دوارة
لا بتخلي اللي فوق دايمًا ودا الأول ودا ورا
ترميك مع الاوهام وابقى قابلي لو تارا (1)
وهو تارا (2) ترمي لك فتات و ابقى انت اتحمل

(1) تارا : تنظر بعينك

(1) تارة : مرة بعد مرة

الدنيا ست وف الأخير حدش مناسبها
دايما تسيبني في الهموم قبل اما انا سيبها
واكلة لجامها بتنطق والكل مناسبها
عايز في جرحك تستريح والدنيا تأتي لك
صبرك على الأحزان لحد ما هي تقتلك (1)
أو عيش حلاوة روح وزى ما كنت قتلتك (2)
هتعيش في وهم بيقتلك لو ليك بتنسبها

(1) تقتلك : من القتل ، وتنطق القاف الف وعليه همزة

(2) قتلتك : قلت اليك أو اخبرتك وأيضا تنطق القاف الف وعليه

همزة

الدنيا عملاني في أيديها وكنّي لعباية (1)
قادرة وقادرة وعاملة الهم لي عباية
الحزن متسلط علي وكأنه عب بايا (2)
كل اما اقوم واقف ،، على اكتافي يقوم راكب
ولا حد يخلام الوجع لو حتى في مراكب
وانا همي بالقطار وفوق بعضه ومتراب
ويجيني في مراكب وانا جيوي معبايا

(1) لعباية : لعبة

(2) عب بايا : كانه عيب بي

الدنيا غولة مكشورة ومطلعة عينًا
عمالة بتحمل هموم واحنا ياما عينًا (1)
و القلب خالي م الفرح نشفان يا معينا (2)
يا نعيش ديابة ونتسعر يا نكون فرايسها
أو ندعي انه يخفها وف همها يرسها (3)
او عاك تكون فاكر بانك تبقى ريسها
ربك هيورثها وهو بقدرته يعينا

(1) عينا : شيلنا ، تحملنا

(2) معينا : المعين ، المعون او الصحن

(3) يرسها : يسترها

الدنيا شدة الحيل ومش لاقى ملاذ منها
تضحك وف الآخر بتدي مالزم منها
هى اللي شدانا اكيد ولا ملازمنها؟!
ساقية ودايرة للأسف والدايرة مقلوبة
ولا مرة بتريح نفوس ، تاعبة ياما قلوبه (1)
المكر دايمًا طبعها وتعمل ياما قلوبه
ترميننا كالطوبه ونبقى احنا مالزمنها

(1) قلوبه : قلوب

العشق

كتران يا همي والجروح من العشق سيالة
واللي بيفضل منها بيعبني سيالة (1)
لا عرفت إيه اللي حصل ولا قلبي سوى له
في القلب سكنته وانا بادفع له ف الاجرة
ولاقيتني باسألني ولا عرفتش إيه اللي ما جرى؟
الدمعة ماتتعبش لو سالت بدون مجرى
سبحانه من أجرى هواك في القلب سيالة

(1) سيالة : جيب الجلباب البلدي

أنا كنت فارس في الهوى ولا حد غألبنى
أركب على ظهر الكلام ما في حد غألبنى
وان يوم لاقيت قلبى اتكسر أرجع واقول ابني
ورجعت أعشق جنتك والعشق دا معاصي
واستغفر الله العظيم إن كنت يوم عاصي
قلبي ارتكب ذنب الهوى وحقه على راسي
ما انا قلبي راسي في الهوى وعليّ غالي ابني

حببتها ؛ وقلبي انبرا (1) وفي مسكنها
حبتيها ولقيت ناس كثير بالعافية ماسكنها
ورضيت بجرحي وكان أمل ؛ أنا ابقى مسكنها
وحلفت لتكون في الطريق أعلى من اربابها
وفتحت سكة لقلبها كل ما ارى بابها
وبقيت أنا وقلبي بنحرسها وحجابها
ويا ريتة عاجبها ؛ تقولشي جن ساكنها

(1) انبرا : من التاكل

م العشق قلبي اتحرق وصرخت يا جوري (1)
ماعرفش عرفوا الناس منين عدلوا لي ماجوري (2)
وأنا قلبي دايب في الغرام للعشق ماجوري (3)
واشتقت لعينيكي ،، البيوت وشفافيك السكر
وشربت من شهدك وأنا أهوى أكون باسكر
ودخلت حربك باستغيث ، ليه بابك اتسكر
وخدوني جوز عسكر أسير وكأني ياجوري (4)

(1) يا جوري : نداء استغاثة (2) ماجوري : الماجور إناء من
الفخار الواسع يوضع به العجين ، وهنا كناية عن المثل الشعبي
(اكفي ع الخبر ماجور) (3) ماجوري : الاصل ماجور وحزفت
الهمزة للتخفيف (4) يجوري : عساف ياجوري الاسير الإسرائيلي

قائد كتية المدرعات في حرب 73

من يوم ما حبيتها قالوا لي اوعاك الاعيبها
أنا قلت قادر بالكلام ف العشق الاعيبها
ولقيتني طبيت (1) يا ولد وكم ان على عيبها
ودارت طواحين الهوى والقلب آآآآآخ فيها
أنا قلت يبقى انتي نصيب ويا إما أخفيها
ما ثقيلة أنات الوجع والقلب خاب فيها
بأيديكي خفيها عشان ينزل ملاعبها

(1) طبيت : وقعت في الحب

رحت لطبيبي ف الغرام قال لي عليك شفقان (1)
قلّب في إيدي بكى ، قالى أشوف فنجان
القلب عمال يرتعش يمكن يكون شاف جان؟!
والسكة قدامك لكن مزروعة بالاشواك
والعشق في قلبك حريق على جمرته شواك
قلبك نصيبك والهموم زي الحسك (2) حشاك
والسكة لو غشاك عشان تايه مابين فجّان (3)

(1) شفقان : من الشفقة ، وتنطق القاف جيم

(2) الحسك : آلة من الحديد تشبة المنجل

(2) فجّان : المفرد ، فج ، أي مكان

الورد جوه الفترينات راح يبقى بكرامته
وف يوم انا جفته لكن ما اعرفش ليه رمته
دا البحر لو ريم ، ساعات تصعب ليه ريمته
صعبان عليّ الورد بالسلفان ولفيته
وان كان على عمري ، ، لعمري بجد وفيته
وبكل حنية وأدب الورد لافيته (1)
اتاريني لفيته ف كفن حتى ما كرمته

(1) لافيته : أعطيته لها

العشق طارح في القلوب عناقيد عنبايا
وأكلت من طرحة وف عينا ظهر بيا
باسأل وفين هى مادام الشوق لعب بيا
لفيت بلاد الله عشان يمكن اقبلها
ويا آهة العشاق لكني برضه قابلها
خايف اشوفها ف سكتي من شوقي اقبلها (1)
م الطرح جايب لها وكان الورث عن ايبا (2)

(1) أقبلها : القُبلة

(2) (2) عن ايبا : عن أبي

جفت ينابيع الهوى و بأيديكي تملئها
وقصائد العشق القديم إنتي تملئها
كل الأحبة اتجمعوا وانتي أمل ليها
طب ليه معايا بتقفلي م النور شبابيكي
وانا قلبي عيل في الغرام دلوقت شاب بيكي
وان مرة فكرتي باقول لبيكي شبيكي
من روعي بديكي ، وروحي الوصل تملئها(1)

(1) تملئها : تم لها الوصل

في العشق يا ولداه انا سرقاني سكنتي
والجرح نازز بالوجع وانتى ما سكنتي
وانتى اللي كنتى ديتى للعشق سكه انتى
طرح الهوى كان طاب واحنا بايدنا جمعناه
مع انه كان بالشوك لكن عندنا جه معناه
ووقفنا وش الريح وفي البستان وجام(1) معنا
وانا عشقي ليه معناه وانتى لغيري سكنتى

(1) جام : قام ، وقف

سلمت قلبي للهوى واتاريه مسلمني
أصحى ألومه ف الضحى ؛ حل(1) المسا لامني
والدمع في عينيا ارتعش حد اما سالمني (2)
والنبضة زي الخيل جمح واكله لواجمها (3)
ولا في سدود هتردها حتى لو اقمها (4)
هو لوحده وبأيديه يقدر يلجمها
وبأيده يرجمها وينسى لو أسى ؛ المنى (5)

(1) حل : جاء (2) سالمني : سال مني

(3) لواجمها : لجام وهو ما يوضع في فم الخيل للتحكم به

(4) أقمها : أبنيها ، وتنطق القاف جيم (لواجمها)

(5) المنى : من الالم

بافتح شبابيكي وإيديكي حبة مسكتها
سكة لغيري بتفتح و ف وشي سكتها
ودموعي اطفال تتولد وازاي اسكتها
وانت اللي في عينيكي الوصال وعينيا رايحه لك
ماعرفش إيه اللي حصل جرحي بيحلى لك
وبقيت انا و جرحي نداوي في الغرام حالك
اهو قلبي ومحى لك جروح ماعرفش سكتها(1)

(1) سكتها : طريقها

كترت ديوني ف الغرام حالف ما دافعها
حببت بنية ولاجلها أيامي دافعها
وحلمت يا ما حلمت ليّ الحب يدافعها
الوش زهرة مفتحة كشقائق النعمان
والخد تفاح يا جدع ماتقولش كيه (1) نعمان (2)
لا تقولي من لبنان اتت من سوريا من عمان
تمشي في كل مكان يا ناس ترقص مدافعها

(1) كيه : تفيد التسائل والتعجب بمعنى ، ازاي

(2) نعمان : ناعم

كليلة هن عظيم

دنيا وقادرة ع البدع كيد النسا فيها
العشق سهمه بيتني لومرة جه فيها
واياك تفكر يا ولد تقدر تكفّـيها
يا تعيشها زي ما شفتها ؛ يا تموت بعـلّتها (1)
ما هي ست تنكر في الجميل وانت اللي عليتها
اتمنى واحلم واشتهى وارجع واقول ليـتها (2)
لو شهد قـلّتها (3) بإيدك ؛ احسن تجافـيها

(1) بعـلّتها : العلة هي المرض المزمن

(2) وقول ليـتها : من التمني وهي ليـتها

(3) قـلّتها : القلة اناء من الفخار يوضع به ماء وهي من الموروث

الشعبي وتنطق القاف جيم

طقيت ومن كيد النسا شكلي انا هجيت
لا مديح بينفع طبعهم ولا حتى لما هجيت
ولا كلمة تنفع جنسهم وان رحت ولا ان جيت..
الطبع غالب يا جدع والطبع شافينه
إليس صفاته بتتسرق ؛ ماتقولش شافينه
وان جبت سيرة العيش تقول ؛ "باردون" باكل فينو
واحنا اللي شاربينه في سنين خلاني اقول وجيت(1)

(1) وجيت : كلمة المقصود بها الهروب والاستغراب

هاكنس عليكى الأوليا وادعى واقول آمين
وان كان على كيد الرجال ؛ ماتقولي قوى مين
إذا كان دا فى القرآن ورد ؛ احنا اللي قوامين
وانت اللي قولتية م الخيال ، لا شعرنا يتهمز
وانتوا اللي عارفينه يا دوب طبله ورق وهز
وان كان على حب النساء هو كله بط و وز
وان كنت عايز العز ابعده عنهم ليومين

لو كان هوايا في الأساس كفى وملى عينها
كل التقايل شيلتها وقالت لي خد عينها
ووقفت في وش الجميع حتى اللى مال عنها(1)
أنا كنت بتوهم حاجات والوهم دار بيا
وحاجات كتيرة اتغيرت وماحد دار بيا
وادي الهوى ميل وبات يبنى له دار بيا
وهو سابني وخديا وراح ينصر ملاعينها

(1) مال عنها : تركها

لو صح ترتيب الكلام يبقى لكم طوبى
عمرك سمعت ف يوم كياك ييجى مع طوبة (1)
والعرق (2) لو دساس هتبقى البذرة معطوبة (3)
تزرعها يبقى الميل أكيد فى الأصل و جدورها
تكبر وتطرح تتلوي وتحن ؛ جا دورها
والطرح علقم يا اسمك ايه لو حاسته ف زورها
توقع على جدورها مادام ناشعة فيها رطوبة

(1) طوبة : كياك وطوبة من شهور السنة

(2) العرق : الاصل، كناية عن المثل الشعبي (العرق يمد لسابع جد)

(3) معطوبة : غير صالحة

بيني وبينك كلمتين ..؛ هاكسر وراكي زير
أنا واد صعيدي ومن قنا وماخفش من التحذير
لا عرفت تقطيع السمك ولا كنت ليكم زير
هو اللي يسكت ع الغلط عنديكوا بتحبوه
عندينا لو جوزها نده ؛ تصرخ يا واحد بو (1)
وهنا اللي بيشخلع ويبدلع ناقص تقول له امبو (2)
أخرتها تلعن ابوه يا ناس لو حتى ابن وزير

(1) بو : نداء استغاثة

(2) أمبو : طلب لشرب الماء ، المقصود كثرة الدلع

قال عاملة مهرة في السبق ويا عيني عرقانة
وبكل قوتها تدور وتلف عارجانا
وازاي هتغلبنى في سبق والرجل عرجانة(1)
اهدي وخليكي (ريلاكس) لمي تعابيك
قولي اللي عندك واخلصي لو كانوا تاعبينك
بإشارة واحدة لعزوتي في شوال و عبينك
هيطلعوا عينك اكيد ولا يبقى عارجانا

(1) عرجانة : عرجاء

في واحدة صوتها الناي والتانية ك اتشيلو
من كتر افعالها يا عيني جوزها بتشله
الدمعة تقسمها معاه ، ف الفرح ما تشيل له
والبيت بكلمة بتخربه وتقعده على تله (1)
تسحب في عمره من الزمن وتتح وتله (2)
وان مات مابيهونش عليها لليمين تله
ناقص تقول حالو وهو الحزن متشال له

(1) تله : المقصود التل ، قمة التل

(2) تتح وتله : الشد من بكرة العمر ، مثل بكرة الخيط

عيدي حسابك من جديد واتأني في حسابك
بكره هيجي يوم ما تلقى الدنيا حاسة بك
مين اللي اتحمل ومين للدور اهو سابك
هو انتي مش شايقة خلاص ولا النظر رانا
غايبة عن الوعي وما فيش قاعدة ما دريانا
بكره تلقى ف دنيتك وهاتي جي دار انا
وهتي جي ندمانا بدموع على قلب راح سابك

أنا كنت زي البحر وهى وبس عبراني
دلوقت اقول واعيد ، كائي لساني عبراني(1)
شغالة رط (2) وبس وحتى سكوتها براني(3)
شُفتوش يا خلق الله حريم في البيت بلا فايده
وان قلت راع الله كمان تلقى مافيش فايده
مطالبها مابتخلصش وف اللي تعوزه نار قايده
مصاريفها بالفايده وحتى عشايا براني

(1) عبراني : اللغة العبري

(2) رط : الرط المقصود به كثرة الكلام بدون داعي

(3) سكوتها براني : كناية عن المثل (لو الكلام من فضة يبقي

السكوت من ذهب) والمعنى معكوس

طلعوا المذكوره يلهثوا ورا شعرها المنحل
ما تفلش نحلاية ومش لاقية لها منحل ؟!
أه يا قليلة ف الأدب هيفيد بإيه من حل؟
خجلانة من طعم السؤال ولا من الـ سالك (1)
ناكرة اللي بيحبك وفاكرة بس من سالك (2)
طيري كما شنتي طريق المعصية سالك
روحي لأمثالك مادام الأصل كان منحل

(1) الـ سالك : من الـ سالك وتعني السؤال وحذفت الهمزة للتخفيف

(2) من سالك : من ساء لك : وحذفت الهمزة للتخفيف

قاعدة البنية مكلبشة في إيد الجدع عشقاه
نايمة على كتفه وإيدها الثانية حاضنة شقاه
بالحب بتحاوطه وعشانه قلبها شقاه (1)
داوت جراح العمر ، ويا ما العمر كان عَدّاه
عَمّالة بتصالحه على بخته و ياما عَدّاه
بِتُعد أيام عشقها والعمر بيه عَدّاه
وادي حلمها مواعده وبرضه شقاها هو شقاه

(1) شَقّاه : مشقوق نصفين

في ست ديلها ما يتعدل ، لو واخده بالمراكيب
شغال شفت ونفخ ويمكن تلقى في تركيب
واهو لما بيبان اللي كان تظهر من التراكيب
الشعر عيرة والعيون لنسز(1) ولزقاها
وسنانها طالعها للأمام بالعافية زقاها
عشمانه يرميها الزمان على حد ذواها
عاطل ولو جاها يا ناس يرميها في الكراكيب

(1) لنسز : عدسات ملونة

ماشية البنية وجسمها من لبسها شفاه
بتقول لي على الموضة وهى لحمها كاشفاه
وانا قلبي مجنون عشقها دعا ربنا ؛؛ وشفاه
وادي الشرف مجني عليه ليه طلعه جاني؟
قرب ياعم وشوف ، هنا دا اللحم مجاني
معروض يا لحم رخيص وحتة لكل من جاني(1)
كندوز على ضائي يبارك في اللي كان شفاه

(1) جاني : جاء

ياصنف نمرود (1) للأسف تاخذ ولا تعطيش
عاملة كحرف الجيم كمان محتاجة للتعطيش
والكلمة لو جارحة ، تصيب أبدأ ف يوم ما تطيش
ويا عيني ع اللي بيبتلي بالتاء ونون نسوة
دايماً يفكرها بسلام وتقول : أهى نسوة
لو نازلة في سوق النسا تلقوها ما تسوى
واخدة على القسوة وحتى في حبها تعطيش

(1) نمرود : التمرد

عجبي على بنية⁽¹⁾ بنيتها وهي هدّتي
أهديتها كل ما أستطيع وهي الغدر أهدتي
الغدر يجري في دمها من كذبها اديتني
هي وصاحبي اتفّنوا في خيانتني بالعاني
وذاقوني من جرح الهوى والمُر بكعاني
وآهين يا بحر العشق دوامتك ليه بلعاني ؟
وانا قلبي بيعاني وفاكرة بكلمة هدّتي

(1) بنية : بنت

دنيا غريبه يا محترم فيها حريم دوا ليك (1)
بنت الاصول ممكن تقول لوحضرتك ، معاليك
وان جابت السيرة في كلام تلقى المقام معليك
ودي واحدة دايرة بحسنها جاييه اليمين لشمال
بتبيع مفاتها برخيص فكراه يعيش المال
اخرتها تندب حظها تسأل يا ناس ليه مال ؟
ماهو كله م الافعال من اللي بتعمله دوا ليك (2)

(1) دوا ليك : دواء لك

(2) دوا ليك : متكرر

وفتحت بيتي لاهلها ولكنهم قلبوا
وحاجاتي راحت فين يا ناس بينهم قلبوه (1)
من غيظي اخوها بضربه عيط وقال لبوه
وأبوها بيطنش كمان همه على بطينه
وان جبت نوع فاكهة يا هو دا بياكله اهو بطينه
ماتقلش عجل جاموس وع الطبلية رابطينه
لو تبين حطينه ماحاسس على القفة لبوه (2)

(1) قلبوه : من السرقة

(2) لبوه : ضربه

واحدة في شغل البيت يا ناس عاملة عشر ستات
واهو كل حاجه برستها(1) يعني عشر رستات
مشغولة بالمانكير وبالبادكير من دا عشر دستات
والاكل عيني عليه كمان بييجيني كله دا عك
تسلم ايديها ،، برجلها ماتقلش دعكاه دعك
دعك من اللي هيتعبك صدقني يا بني دعك
سيبك من اللي بعك(2) وبلاها من الستات

(1) برستها : الرست تعني وقت الراحة

(2) بعك : باعك

حاسب من الستات لا يوم حتماً يزول مالك
ولا حد يطمئن عليك ولا حد قال مالك
والهم يتكاثر عليك وتشيل في احمالك
ابعد ومن كيد النساء خذ لك كمان ساتر
وان صابك الدور ابقى قول ؛ استرها يا ساتر(1)
وان نمت فتح لي عينيك دايمًا تكون حازر
ربك كريم قادر يزيح عنك في اعمالك

(1) اصابة الدور هنا المقصود بها الزواج

عملاني لعبة ف يدها وعن قلبي ملهيه
وان حد كلمني بتسأل : قولي من هي ؟
الحق دايماً عندها وان جاني ، ناهيا (1)
تضحك عليّ بكميتين أو جزمة وبلوفر
خليك في نيلي عشان تعيش كما زرع نيلوفر (2)
ترسم لي صورة ف قلبها قال يعني ف اللوفر (3)
قلتها " جيم أوفر " خلاص اللعبة منهية

(1) ناهيا : تنهى عنه ، ترفض

(2) زرع نيلوفر : نبات ورد النيل

(3) اللوفر : متحف في باريس بفرنسا

بعد اما سميننا وشفنا الدنيا واحوالها
ف العشق يا ما قلوب لكنه الجرح حولها
وصحاب بتديها الأمان وهي الغدر حوالها
أما انت يا كيد النسا ، مشدود على نولك
وادي النسا بيك فرحانين في القلب بينولك
واقف على حيلك وفرحة اللي بينولك
طب قولي إيه قولك في ناس الغدر حاوي لها (1)

(1) حاوي لها : يحتويها

الشاعر في سطور

عبدالناصر عبد الحميد سعيد

الشهرة / عمرو المصري

محاضر مركزي بهيئة قصور الثقافة

رئيس نادي أدب روض الفرج

الجوائز الرسمية

- 1- جائزة النشر الاقليمي عن ديوان (نقطة تفتيش) عام 2010
- 2- جائزة دار الادباء عن قصيدة (نقطة تفتيش) عام 2011
- 3- جائزة الجمهورية في شعر العامي عن ديوان (غرفة انعاش) عام 2011
- 4- جائزة النشر الاقليمي عن ديوان (فحت البحر) عام 2016
- 5- جائزة لقب شاعر النيل والفرات عن ديوان (الزمكان) عام 2017
- 6- الجائزة المركزية لهيئة قصور الثقافة عن ديوان (الخط الاحمر) عام 2018

- ديوان اشعار متحررة 1992
- ديوان نبع العشاق 1995
- ديوان عشقنا الحب 1997
- ديوان في عز الليل 2000
- ديوان لحظة لقا 2003
- ديوان قصر النيل 2007
- ديوان نقطة تفتيش 2010 الهيئة العامة لقصور الثقافة
- ديوان غرفة انعاش 2015 الهيئة العامة للكتاب
- ديوان فحت البحر 2016 الهيئة العامة لقصور الثقافة
- ديوان الخط الاحمر 2018 الهيئة العامة لقصور الثقافة
- ديوان سباعيات المصري 2018 مؤسسة النيل والفرات
- له تحت الطبع ديوان - كيد النسا - مربعات من فن الواو

- تم عمل دراسة نقدية عن اعماله في مؤتمر ادباء مصر وطبعها
في كتاب

الابحاث عام 2011 بالجيزة د/ محمد احمد اسماعيل

- تم عمل دراسة نقدية عن اعماله في المؤتمر الاقليمي بالقاهرة
2016 د / حسام عقل

- ترجم له بعض اعماله من هيئة قصور الثقافة الى الانجليزية

- مارس كتابة فن السباعيات - المربعات - المتلوت - الابرتات -

الاغاني

- له الكثير من الحفلات الخاصة .

الفهرس

7.....	في حب الرسول
21	حال الندل
38	حال الدنيا
44	حال العشق
60	كيدهن عظيم

تم بحمد الله

